

錢唐 臥遊道人

楊爾曾

輯

武夷山圖說

按茅君內傳仙家有三十六洞天武夷山乃十六洞天稱昇真
玄化者也在崇安縣南綿亘百二十里由西南白塔山迤邐而
來融結于此中涵一溪乍深乍淺其源發于周村之三保山鄰
鄰瑩澈蛇蜒東注與層巒疊嶂縈迴映帶聯絡貫通遊舫從東
汭流而入約數十里西出蔣村而境始窮南麓則臨石鼓渡北
止于黃龍溪遠觀形勝則皆豐上歛下有縝潤玉削者有森銳
筍立者有端嚴拱揖如神人有峭麗娟秀如美姝者東望如樓

海內奇觀


入卷七

夷白堂

武夷山圖

仁姑

幔亭峰



藏板
新刻
書館藏
書目
藏

上海內奇觀

卷七

夷白堂

武夷山圖





海內奇觀

卷七

三

三石白堂

臺高視如城壘西顧似庾廩北觀如重蓋其驤如龍其踞如虎
 蹲者如猊馳者如馬峰巒巖岫峭拔奇巧高下相屬吞吐雲霧
 草木蒙茸寒暑一色崖壁紅膩而稜豐可愛三三曲流繚繞六
 六峰之間飛瀑落崖一瀉千萬仞之遠屐登棹進水陸皆通琳
 宮梵刹依岩負壑鐘磬相聞各據其勝搃名武夷相傳唐堯時
 錢鏐隱茲山二子曰武曰夷山因以名又謂有神人降此山自
 稱武夷君漢武遣使築壇祀之今遺址尚存宋朱紫陽著書精
 舍遊轍洵臻白玉蟾居止止庵以朱紫往來膏車秣馬大汨玄
 功迺去之羅浮焉

自常山過玉山南北二石梁橫跨溪流中達信州入龜山為南

巖寺數里長林翳日巨壑綠溪類西湖之靈隱岩阿深奧石色
深紫仰睇梵宇僧居嵌空其中石壁多宋元名賢題識由陸路
至鉛山有觀音岩岩洞數折而上幻出一奇峰儼若大士中天
而立抵車盤雲度嶺漸入佳境過分水關閩楚疆限也二水南
北分流其源出于黃山之龍井踰大安至崇安縣度五里庵三
十里入武夷渡口清瀨急湍柳堤篠岸村墟歷歷遠近映帶乃
九曲溪西出與大溪合處溪徑里許松翠侵衣爲會真觀觀前
老楓大踰數圍千百年物也左折旋而入山門榜曰天下名山
第一爲冲佑萬年宮新構壯麗題署繁夥中有拜童臺三清殿
玉皇閣閣下列十三仙後爲法堂左爲方丈碑碣詩刻森立又

海內奇觀

卷七

四

民白堂

有魏子騫頭顱骨光潤如玉頂上紋裂橫豎兩理子騫秦時人
尸解于漢桓帝時也宋理宗玉簡長尺許書刻金精觀後一峰
方圓十里高五千尺巍如冠冕屹如天柱曰大王峰一面向東
瞰北溪一面向南瞰西溪其陽縱裂一罅長數百尺下有木槎
立橫石上峰之北爲幔亭峰魏子騫架虹橋設幔宴曾孫處有
漢祀臺石盤陀方廣數十丈漢武遣使禱祀處扇爲雲龍道院
彭祖故居址也峰之西爲鶴模岩崖壁裂紋霜翎朱頂如繪有
飄泉若飛絮縹緲游空而下明江瓏題其岩曰萬峰晴雪又里
許豁然徑斷有巨木階倚懸崖斷峽間階窮處扇路可至絕頂
仰睇巖岫榭樹倒懸斜倚樓烟霏雲俛瞰溪谷則平楚阡陌不

可辨倚岩木階復數十仞峭壁虬松蒼繡可愛階窮處兩木橫
閣崖罅援之而升有石門頗隘側身以入兩岸開敞夷曠嘉樹
笑箭葱蘢芬芳綠磴復升迤邐漸高有石池長可七尺廣深半
之瑩澈可鑑爲天鑑池復躋數十步平坦幾半畝窓櫺數楹乃
昇真觀也蓋廢而復興池右有投龍洞洞口小而直下垂纒百
二十尺方及水以小石投之其響激越良久乃已宋嘗遣使投
金龍玉簡于中山有嘉竹狀虬屈如龍蛇又有仙橘小者如彈
丸其皮可食大者如雞卵味充甘仙李如小鳥卵長而色赤味
亦酸美仙荔叢生而密微類閩中者但差小耳近峰頂有磚卷
城門魏子騫所築也前爲修真壇乃張湛遇控鶴真人之所下
海內奇觀

八卷七

五

張日堂

爲止止庵十三仙修煉之所也出宮由一曲迤流而上石上刻

一曲字九曲溪萬丈丹青碧水丹山漸入佳境智動仁靜諸字

其碧峰森立巉岩蒼翠雲鬋烟鬟寶冠螺髻色相若普陀者爲

三姑石溪中有虎鼻石刻石門靈源一派六字西有獅子峰大

小觀音峰此一曲之觀也觀音峰左爲兜鍪峰上刻陽明詩海

上真爲蒼水使山中又遇武夷君二句下爲九峰書院頽廢已

久路通一線天兩崖壁立千尋仰瞻天光隱隱如線近兜鍪者

爲泚鏡臺上刻二曲字對鏡臺者玉女峰刻第一山壁立萬仞

七字次爲勒馬峰凌霄岩赤壁峰過赤壁爲小藏峰崖壁廻合

爲石室几案布列謂之仙學堂水中浮印石檀音石儒冠石刻

千崖萬壑四字溪東爲鐵板嶂嶂後仙猿岩嶂右會仙岩昇明
岩翰墨岩崖石隱起類墨鋌下有三口如人口俗又稱回子獻
墨若此二曲之觀也車錢岩者聖姥鞭牛背代之地上有白玉
蟾丹竈過此則馬頭岩大釣磯也水中方石如砥曰三杯石可
停棹坐飲溪流衝激作絲竹聲謂之水樂溪西峭壁千仞爲大
藏峰崖端石室數穴亂插木板如機杼狀一穴板上度一小舟
歲久不朽曰架壑船上刻三曲飛仙臺五字此三曲之觀也大
藏而上爲金鷄岩中有洞穴外隘中宏藏仙蛻數箇木條縱橫
如鷄棲狀房有數洞嘉靖乙巳飛鐵香爐大如卓入洞中登岍
可仰而見岩下臥龍潭房刻四曲字上爲宴仙岩左爲李仙岩
海內奇觀 八卷七 一八 吏白堂

李蛻尚存石龕壁削不可登下爲御茶園龍井龍亭在馬瀾水
從碧雲橋下出自此而上爲更衣臺天柱峰蓋魏子騫更衣處
也溪右有石突立中豁若斧劈然相傳爲控鶴仙人試劍石宋
人題刻布滿石上蘚蝕不可讀溪中巨石介水中數折號小九
曲舟可環遶又有上水魚石溪東一石飛聳欲墮入溪中曰釣
魚臺石峻壁斗絕上有數竇皆橫插木板望之如棧中列陶甃
如管如筍如爐如鼎內藏仙蛻二函高下歷歷可數曰真武洞
近溪爲希真岩題詩若此四曲之觀也魚臺連大隱峰峰削立
方正如屏下爲紫陽精舍後爲伏羲洞洞廣數丈石堆列如卦
畫又名先天洞洞左爲羅漢洞外有黑洞曰回回洞頂基平坦

鐵笛亭址也逶迤礪半里許爲接筍峰有道人居馬石壁峻峭鐵鎖橫綴崖腹以託足屈曲盤折數百級亦爲道人所棲曰玉華岩岩深可丈餘高廣倍之白雲蒼霧生滅無時飛泉風樹聲協絲竹溪中石如竈曰茶灶石溪西爲晚對峰上刻五曲高山仰止六字此五曲之觀也隱屏連于接筍峰玉華岩下有洞刻昇真洞三字從小徑偃僂而入一里許有境一匝四周穹崖壁立崖產茗名茶洞轉至仙掌岩岬石有紋類人指掌者十數痕長二丈餘從磴道入峪蒼松夾徑雲陰藉襟數里登天遊觀一覽亭前有嘯臺空曠高爽隱屏立其前仙掌翼其右千岩萬壑俱入指顧高下起伏若翠濤澎湃出沒烟嵐紫青綠白頃刻

海內奇觀

八卷七

七

菟白堂

萬狀過此爲三層峰石門岩溪中石曰曹家石溪西爲響聲岩刻六曲二字逝者如斯四字又仙跡岩蒼屏峰疊疊而起此六曲之觀也蒼屏以上山形高峙長亘五百餘丈曰城高岩溪中亂石春開百花曰百花庄溪東三山聳翠若舉首企仰爲三仰峰中有碧霄洞白玉蟾丹灶猶存下爲陷石堂其地古爲禪寺宋天聖間忽一夜雷雨陷沒今石崖交橫外成石門僅容足進十餘步平曠又名小桃源堂門曰北廊岩刻七曲字岩頂曰天壺岩左曰棋盤岩此七曲之觀也接天壺者爲鼓樓岩岩前兩峰屹立如鼓狀曰鼓子岩岩南絕壁廣數百丈壁間裂開一穴可容四五十人吳公成道于此曰吳公洞下爲鼓子庵右連鐘

模岩獅子岩刻八曲字水中禪笠石上水龜石溪之西大小廩石下有海蚌石將湖石人面石魚磔石此八曲之觀也九曲溪頭爲靈峰白雲岩玄都觀在其下岩左爲毛竹洞次而三峰並峙曰三教峰下有香爐石貓兒石對峙爲丘公岩內有石室廣數丈丘公成道處近溪石形如磨曰磨石此九曲之觀也九曲之外登陸而遊復有換骨岩一線天水簾洞皆洞天絕境也具列于後

靈岩一線天岩從二曲行七里有兩岩相倚長數百丈中分一罅窺見天光又名一字天下爲三洞其一尤深廣風從一線中透出晝夜不絕刻風洞字谷口刻靈岩字有觀音閣葛仙館陽海內奇觀

卷一

八

莫白堂

然 明祠洞石有窄徑僅容一人側足而上可至絕頂頂上平曠約數里許有泉池對峙有鼓角岩藍石五老峰下有石門如關隘然 換骨岩在觀左三里許慢亭峰之北峰腰石室廣六七丈可容百餘人內爲小閣三間祀玉皇元君廟有黑穴中有泉極甘冽童子匍匐可入或溢或乾岨高數十仞峻峭難登任持者掛大繩于上登者攀繩而上左有三姑石金貓捕鼠石靈龕道者岩龍井坑

水簾洞地名赤石奇秀類武夷從換骨岩進七里馬頭岩之右赤壁高廣數百丈水從頂下如簾漠然不減雁宕龍湫之勝蓋

按黃仲昭武夷山
記云又名唐曜天
巖巖此少異

水自高岩下垂非若太山房山之水簾出于洞口也一名唐曜
洞天廟有清微洞真觀

雲虛洞在下梅里去觀二十里與大王峰相對又名均峰洞有
上下洞幽邃不測廟有龍井洞中石盆石硯皆天然自成會
聖堂前朝真石甚平整迺孔莊葉三仙女修煉之所

閩山勝地以武夷為第一古今名家記遊武夷者不下數十家文字之美莫能
備指此記亦條分條晰記述詳明可為遊者之指南云

前註

海內奇觀

卷七

九

夷白堂

九鯉湖圖說

莆陽之西八十里有湖曰九鯉山則奇崛峻嶒元突崔嵬雄金
崑崙險如劍閣陟其巔者若凌風若登雲若孤鶴獨號于長空
徘徊才立石則怪異瑰奇如雲如岫直若戰棹細若累卵圓如
沉爪巨如扛鼎水從永福萬山中來所歷無虛數十里注而
爲湖則異石當其衝兩峽壯其勢初到峽口有舉閘拽水之勢
又似齊軍決囊莫可禦止稍遇坦石平衍瀰漫已而兩石夾流
則奮怒悲號若迅雷之鳴聞者失色又直趨下數十丈中爲平
湖方圍寬濶約百丈餘則法深澄定凝然不動若星旋而斗自
鎮草動而根不移泉則玉隆珠飛虹垂霞集千態萬狀淒清悄

海內奇觀

卷

十





天子萬年

九鯉湖

九鯉湖圖

海內奇觀

卷上

十一

表白堂

六五里下

五石門

雲居巖

石砂山

斜岩

何嶺

鯉仙道

何頂

蓮花峰





海內奇觀

卷七

十二

寂令人泠泠有遺世想故仙靈托之以冥栖賢達慕之以長往

二云

高陽山高且百餘仞去何嶺蓋十里而遙奕奕臨湖與飛鳳山
相望鳳臺岡屹然于湖之東而脉自南發西與盤龍山會其上
灌木萬重其下鐵色萬仞居然神臯之大觀也

蓬萊石在湖之東高丈許廣倍之屹立于雷轟滌之右鄭尚書
表為第一蓬萊昔有湖光亭久而圯比更新之以鐘鼓名

雷轟滌在丹竈西湖之東水從何岩下注而為湖沸沸湯湯不
舍晝夜喧喧如雷故以雷轟名是為第一滌

丹竈在雷轟滌東石嵌空似竈無慮百餘處水漫流其上遇竈

色加澄而垂綆有至數十丈者或云與四溟通理未可測也又云水旋而成窩愈久而愈深耳其左有巨人足跡長三尺許黃鷄灘在雷轟滌東亂石縱橫水自石罅中出春夏時其聲亦雷轟之亞

茶潭一名藥潭深數丈其水亦淵泓可玩距黃鷄灘十步許

石牀在黃鷄灘之東廣八尺高六尺許四面皆如削成怪石參差擁其側水彭彭出石罅中高阜處有石如酒尊廣圓六七尺高丈許上有小石覆之如蓋然故名或謂仙人醉酒而臥此石牀也自蓬萊石至此爲湖之東

萬年石在水晶宮之西石壁巖巖佳植龍映宋陳謙勒天子萬海內奇觀

卷七

十三

臧白堂

年四字甚偉

古梅洞在湖之北石廣一丈修倍之故有梅生其中題者遂以古梅名今無存矣洞之右地稍斥而可廬九仙閣峙焉前植老梅亦緣洞意也

仙泉在古梅洞下數石礫柯泉自石罅中出清冽甚飲之可以已病卽大旱亦不竭問夢者百十餘人皆取給于斯泉

將軍石在古梅洞西高二丈許望之桓桓如將軍故名

道家蓬萊石在適滌之道扁距將軍石步武耳高二餘仞廣丈許奕奕偉觀

鼓石在古梅洞前高六尺廣五尺狀肖鼓扣之有聲卽一人撼

之亦動又名動石

玄珠石去鼓石五尺去湖尺許圓類珠故名相傳湖水溢則浮自萬羊石至此爲水晶宮之西亦湖之西也

龍擦石在古梅洞南紋縱橫如龍鱗日晃之燁燁射目循石而下又有洞深廣丈許有石棋枰及爐竈遺蹟然已失其處矣

瀑布泉在雷轟滌之西相距五十步湖水遵石而下長如匹練怒流爭汛聲若雷霆又似數部鼓吹而石澗野花時開彌益其態傍有石廣二丈許明李翱書觀瀑二字是爲第二滌

珍珠簾者瀑布縈洄而下約五百步爲珍珠簾夾流之石廣數丈修不啻百餘仞水上垂垂而挂可數十行綴若流蘇晶若聯

海內奇觀

八卷七

十四

吳白堂

珠水激濤湧噴薄飄空細者如霧如烟粗亦如霰如雪粉珠屑玉簾外都無勺水日映之光氣紅綠成行如彩虹飲澗夾滌嘉樹森鬱盛夏都無暑氣是爲第三滌滌之右石修廣楚楚崢嶸高仞餘有龕可坐四五人明王世懋勒石曰九滌中最奇處馮牧懷搆亭石畔名觀瀾亭

玉筍爲第四滌視珠簾稍狹水自盤龍山來兩行下垂瑩如玉筍春夏往觀直爲奇絕對視鳳臺岡鬱弗穹窿危不可陟仰面望九鯉湖瀑布俱不可見但覩銀濤湍決皆從樹杪下令人毛骨清徹耳傍一石曰龕石高可丈許中爲半觚若洗若削登龕前望則飛鳳盤龍兩山愈親遠水蜿蜒上映刺天石壁亦一奇

也

石門湖之第五澗也自水晶宮來不知幾千丈石參差澗中而
二石巒崑壁立故以門名又里許爲五星澗澗中萬石續紛獨
五石屹然錯落如星故名五星左有鳥道可偃僕而進是爲第
六澗

飛鳳山爲湖之朝山高幾百仞蓋第七澗也上多僕壘蒲蘆而
無鳥聲下山里許一石名觀音龕龕外石罅如天窓然中可坐
十餘人以祀觀音大士前有深潭水自龕上過亦一奇也

棋盤石距飛鳳里許爲第八澗澗中臥石宛然棋盤懸岩一石
類樵子風雨中若鬪棋聲或爛柯者流

海內奇觀

八卷七

十五

夷白堂

將軍石爲第九澗兩石瑰壯如武夫當關故名澗至此去湖且
二十里亂石擁塞崖谷相懸其水爲若溪爲壽水入于海

九仙山在仙遊縣東北二十五里山之半有石穴湧泉色白而
味甘昔何氏九人飲此故山以九仙名

留仙山在縣東距九仙山十里許松杉森鬱頂有石棋枰或謂
霧雨中時見數人箕踞奕蓋何氏兄弟也

雞子城山在縣東十五里距九仙山里許城故越王所築越王
爲閩越王審知

高望山在九仙山西距何嶺數百武峰巔高聳可以遠眺風日
澄霽卽遙海俱在目眦上有石浮屠五層二石高數丈名笏石

南有髻山以雙峰如髻北有仙人臺以何仙登之故名

雲頂峰在仙臺北端聳秀麗下有石室十餘所名舊隱岩相傳有眠雲閣釣月灣聞猿洞今皆蕪蕪矣

古重山在仙水廟東三峰峙立東者高五仞陡削玉立名挂巾石其一昂首如獅以獅石名山之腰十餘石玲瓏相通其一屹立數仞修廣十餘丈下凹爲室深二丈廣四尺蕪穢不治左有飛泉沿崖而注爲瀑懸流數十丈何仙藥竈遺蹟尚存

何嶺在九鯉湖北高數千仞折而東五里爲龍紀院又五里則湖矣世傳何仙居九仙數日又踰何嶺而東入湖故名何嶺嶺有泉出石罅中明林正夫篆仙泉井三大字于石

海內奇觀

八卷七

十六

夷白堂

石所山距何嶺二十里去縣治六十餘里高數千仞盤踞十里巉岩石骨黧黑如漆其巔有石如笏高三丈許

雲居岩在石所山巔有石可坐數十人古篆百餘字皆作龍蛇狀不可辨元世祖御書夾深書院四字岩前有亭曰獅子亭相傳有池可蓄鱉魚

紫帽山在石所山西交斜岩在紫帽山下左有兩石洞右爲玉泉岩未至岩數百步爲山門門左有石高二丈修半之有朝真福地祝聖道場八字其前方沼舊植蓮山門內有石崇廣三丈許元世祖顏之曰樵谷山折而北則松篁夾道花冉冉襟烟霞扇澗亦饒木石躡磴以北舉趾浸高一巨石屏立道扇西爲玉

泉崑石縱橫洞口上覆巨石泉灑灑自紫帽山下瀉飲之清冷
透骨大旱不竭南為玄帝閣北為佛宮前為一樓爽塏可居群
山環拱如龍如馬如屏如縞帶鉅如斷鼇幻如結屨修如北溟
之鯤奇態萬狀東有棲雲洞兩石修廣丈許一石廣圓三文覆
其上中可坐數十人

真如洞距棲雲丈許數石欽奇相附而為洞

滴水岩在爽斜岩東水自巔下涓涓不休前為銀坑口狹而傾
如建瓴好事者秉燭蛇行以入屈曲不啻十餘丈

鳴山岩巨石削立扣之有聲

虎頭山在紫帽山東為爽斜岩左巔石陡削高可五十丈石

海內奇觀

八卷七

十七

吳白堂

昂昂如虎頭元世祖標之為鐵衣壯士

蓮花峰距石所十里許數峰參差奇秀如蓮花下有清源庵北

卽銀岩山

蔡溪岩在縣東北六十里岩前巨石如雙闕曰石門高三十餘
丈廣四之折而北洪崖峭壁奕奕摩雲飛瀑直瀉而下瀑盡處
為龍潭深不可測流為溪澗是曰蔡溪遵石門而上有巽皇有
良軒有幻遊洞藏直瑪眠雲石岩水涯洞前聲如雷轟猶而為
湖竹松交翠木之大者百圍長夏亦無暑氣昔陳聘君隱居于
此

羅漢洞在蔡溪岩之右泉石玲瓏松杉晻靄疑神跡坐可以忘

飢

管陀岩距羅漢洞數武今在蔓草中

鼓山距省城三十里蓋福之鎮山也東障大海陟其巔海泱泱
眉睫間小琉球隱隱在望山半有古刹有靈源洞有石梁有天
風海濤亭乃朱紫陽所書

石竹山在福清縣北距孔道十里巉巖險絕其巘有觀音岩巨
石覆其上石下稍支榱棟以祀觀音左折有化龍窩紫雲洞又
左則九仙院也

嘗謀明王世懋九鯉湖記已悉此勝文據此說益證王氏說之不謬矣按漢之過脚

昔臥遊 荆楚

海內奇觀

卷七


十八

夷白堂

滕王閣圖說

滕王爲唐元嬰嘗都督洪州工書畫音律善作蛟蝶時乘青雀舫選芳汀渚建閣于章江門外名滕王閣高五十尺四周步櫺咸複陸閣道垂以簾櫳下刻三王詞與韓昌黎記章貢二水自西南來蜿蜒右角去東北入湖凭欄浩渺無際鄱陽一名彭蠡又名揚瀾左蠡居南饒九江四郡之中春水方漲挂帆截洞瞬息百里足配洞庭霜降水落則長堤曲岸縱橫荒草中有徐孺子亭蘇雲卿隱居東則康山功臣祠 高皇帝與偽漢百戰之地也東址爲古敷淺原水與豫章鐵柱宮井盈涸相上下湖北窮處落星一島翳于鏡中是爲星子縣書院有白鹿洞洞在禮海內奇觀 卷七 七九 夷白堂





海內奇觀

卷七

二

夷白堂

聖殿後石壁刻晦翁墨跡為多出湖口水則有江島則有大孤
 小孤大江出蜀三峽合漢沔七澤九江之水而下怒濤晴日翻
 空至湖口復會湖水二山浮水面直截狂流與鞋山相望為砥
 柱近縣又有石鐘寺弄月最佳

麻姑山圖說

麻姑山在臨川郡城之西周四百餘里中多平田可耕道畫三十六洞天之一上有瀑布龍岩丹霞洞碧蓮池皆奇境也仙壇有顏真卿記并書爲二絕從姑山本爲麻姑山而見稱然去城近搢紳先生與閭巷人過覽便其峰石磊塊多幻奇覽者目易挑又羅近峰標置聚徒衆爲此山羶行而麻源入山深歧高測險泉石幽曠無色聲奇豔閱其無人松響雲光映徹林表故郡人多稱從姑奇絕而以麻姑本山爲少致

出城歷石磴上十里有亭一座又五里爲半山亭雨玉虬從半

嶺下奔淙忘可三百餘尺則瀑布泉也夜雪龍濤銀河素練壘

海內奇觀

卷七

廿七

夷白堂





海內奇觀

入卷七

二五

夷日堂

疊散為珠濛濛拂拂為霧為烟可望而不可即又半里許為三
 峽橋下有投龍潭記載天寶五年投金龍于瀑布石池中有黃
 龍見其處也又幾半里有岩石下尺許為神功泉口不盈一小
 盂而深深不竭味飲而重即葛稚川丹井也好事者取以釀酒
 名真姑酒四扇即本山泉與較每兩即輕減錢餘真神矣坐三
 峽橋上可聽泉窺澤左右山峰色俱集麻姑殿結構非唐時物
 其小法身經火不壞亦靈應也山門左有古松可合圍唐所封
 為大夫松者可班三竺九里中廟有詩僧基平眺四際山巖峰
 頂前後平田幾數百畝所謂碧蓮池者盡阡陌矣麻姑向方手
 言接待以來見東海三為桑田詎不然乎山絕頂有齊雲亭圮

壞不可登殿傍爲瞻忠祠祀顏魯公李忠定文信國三忠者壇
側有紫陽墓開元真人鄧紫霄瘞骨處也橋之下爲避秦洞又
昔稱壇傍杉松曰七星杉松皆偃蓋時聞步虛鐘磬之音不可
復接惟玳瑁石距此壑中無恙

從姑山去城僅五里許從麻姑山折西北行上下山坂不甚峻
而田阡間之往往于深巖峭壁中間平爲田綠野之色與碧山
青澗相錯他山未有也紆廻數里漸近雲門寺則澗水澄瀉而
奔注岩岫峰壁爲躡爲踞爲立爲臥若列幕懸帷大半似盤山
第盤山無草木爲衣此山時有樹盤山一長石橫臥如虹亘此
山澗灘凡數折皆綠漪可挹石文舊題識處皆殘剝模糊苔蘚
海內奇觀

卷七

二十三

夷白堂

中不可讀惟卷石巖爲曾子固題尚在書法莊整如其文隔澗
一林望之破屋殘垣殘門荒樹則雲門寺也寺虛無僧惟雲封
苔鎖馬跡鼠踪草樹數林而已而境絕佳澗前有野店可供遊
客再上爲華子崗卽謝靈運所詠麻源第三谷是也無徑不便
登再北入靈谷徑其石岫一片似西湖寶石山帶以石欄杆又
數武則石岩垂爲屋明晞陽范公涼令此邑顏其巖然僅可當
武林飛來峰一竇耳又三轉石磴上道士樓居在焉四面巉岩
石俱蔽遮不令見香火客坐俱窅窅在重圍中從從姑山後上
爲跣趺石可坐數百人落級而左兩岩隙深千尺有天下墮澗
渺飛一道光名一線天其上爲天柱峰爲步天橋遠眺則江城

野郭烟樹萬家縹緲在望從一線而度爲雙玉樓羅近峰講道其間迤而右爲飛鰲峰乃從姑擅場處綠崖爲堂卽羅近峰所共四方人揮麈談性命之地俯檻則林木掩映蒼翠在眼復轉而左爲仰影庵讀書岩皆近峰所品置

龍虎山在貴溪縣一路綿亘水澄于碧上有上清宮寥陽殿昊天閣凭闌遠眺萬山拱翠三十六官雲繞宮左翠微深處修竹萬竿中有歸鶴亭亭後有白雲窩蓋淨通天師煉丹所也龜峰一名圭峰三十二峰壁立如筍其大石山與西湖寶石山相似岩內開方廣坐四面峰岩其狀爲爐爲甌爲芝爲旗爲獅象爲劍皆歷歷可指

海內奇觀

八卷七

二十四

莫白註

仙岩在貴溪城南七十里距上清宮十里沿洄一溪乃得至石下岩高數十仞多奇石壘門削壁散空懸虛歷石九層而上自岩脚登觀音閣級凡三清波丹洞蕩漾几案踰楹以升凡八歷級高可百餘丈則劃然一竇人掉頭從此中出如出井中憑崖仰掛棟不啻踵二分在外搖搖凌雲氣起星辰可手摘而蒼茫一水在下盼如帶題閣者曰堆雲曰垂雲曰空中樓閣曰仙鶴危巢曰濯纓浸月無問其標置雅俗而此岩萃律奇幻宛然有畫此巖有二十四巖如仙桃蓮花藥岩仙床佛岩獅子幘頭紗帽屐岩之類雖雅俗同稱而形俱酷肖真神工所琢也

普陀岩離鉛山二里許平地突起巒嶂勢勢飛來峰中有一罇

明透日影流光，有泉滴瀝島中，可布几席，滄雲釀雨，明處淺暗。

岑山在興安境，境之左曳輿轉級而上，可三五里，周遭皆小山，林木薜蘿，與衣裳相鈎帶。山一洞如佛獅子座，洞口昂首軒鼻，卷文如螺，似天爲之。左爲龍乳泉，瑩色如玉，微微滴溜，下如乳味不澹而濃重，又似美人微汗浸浸，不收其右爲魚峰，班文片片如黃竹葉，所居窈窕，卽白日秉燭入之，乃見俗亦名仙崑，扇有翔修碑以木爲之，係天順七年，其聲樸樸如古琴，其文班駁斷連，亦如老桐琴文，又轉最上峰爲禪堂，踞岑之頂，信州山水可攬取盡，故岑雖小山，亦足方仙崑也。

海內奇觀

卷七

二五

虞白堂

葛仙山在鉛山，山高而徑深，凡三十七盤，方及半山，有駐鶴亭，從左岡盤旋而上，十里始達于巔，古木數重，森秀參天，合抱數圍，前有太極殿，祀葛仙遺像，又有飛仙臺，後有亭，翼然亭亭，右有試劍石，下有臥雲樓。

右記諸山亦頗佳，古梅尤茂，菊鞋。

